



HOUNDARUN IRAHÜÑÜ HABU NIBUREITIÑÜ  
GARINAGU LIDAN IRUMU 2024  
“LIHATI ALAGAN AFIRIKANU”

# DIMÂSU #3

INÉBETI AÜDÜ WAUN KEISI  
LIDWESE BUNGIU BABA

**LEBUINA:** Hafurenderuni irahüñu habu nibureitiñu  
Inéhabu lun aüdü, meinihameime.



# DIMÂSU #3



## INEBETI AÜDÜ KEISI LIDEWESE BABA


**LEBUINA:** Hafurenderuni irahüñu/nibureitiñu inébehabu lun aüdü, meinihameime.

## HAUN ARAUDAHATIÑA

Lidan lürüwa dimâsu le, wayanuhaba luagu aüdü keisi idewesei weiriti lumagie wáguchi Bungiu, adügalumuti mua, anímâlugü, barawa, híduru, duna, garábali labu sun le ubouwagubei, rúlumuti waun lun wawinwandun; yûti waun lun wouseruni idewesei le buidu; lau inébehabu meiniwameime luei waféidiruni; gawarálámuga-giñe hawiwandun warahüñü habu wabáñagu lau ámuñegü.

Dan le inebe lan aüdü waun araudawamuti lidan ligaburi wouseruni, máguhätiwa ifei ümadarugu, máfaragu-wamutiña anímâlugü; meiniwamuti, bunáwatiwa fuluri, árauhatiwa wayádürügü lun harumouga lan wau, ñeingiñe wadeirei sun wamegeiru lun wawinwandun.

Lidan dimâsu le waraudahaba haun irahüñü habu nibureitiñu ida luba lan háguruni ífei, anirei lan ífei le gayaragíli wáuseruni, anirei ligia súdiniti tun nadü lun furesela-taweiridun, anirei giñe ligia masudinihali.





Ka san hadagübei irahüñü há?  
Pulikabei.

---

---

---

---

---

---

---

*Lau lira waraudei inebe lan Bungiu waun lau sun lidewese.*

## ÚRAGA

## IWANI RISITI

Anirei aban liroügua aüdü, lidan  
buga aba dan, lwani  
líribei, rísiti lidan anichigu labu  
furendei huliliti; gibetiñun  
irahüñü habu nibureitiñu  
ñein, deregaguatiña haungua  
lun katei buiti.

Sáragu igúndani luagu lira;  
memegi añarein-giñe fiyú  
hangiguatiña haugua kei  
sunwandan; lachülüra métibuga  
hafedun irahüñü, aba hagunbiahaun irahüñü  
lidagië amu aüdü lun hafeduhan hama.



Aban lubeiti hagumeserun arumadagüdei hageira luban weiriti weyu le; harumalámuga, gariyawase ligiame.

### Harumadahaña:

Ka hausereubei lun harumadahá?

Ka harumadahabei?

Ka hadügübei lau ifei?



Chülütiña híbe agei irahüñü habu nibureitiñu ídeha lau sáragu igundani, gamalumaun ñeinñanu gádürü nibureitiña máhatiña hídeha, ladüga nege uwabeila eigini ani mafayeirubaña.

## DÂSI

---

- 1 Adüghamá aban iyawasei lau sun katei le ladewehabei Baba waun.
- 2 Ariñagahumei ida luba lan waraudun inébehabu lun aüdü.
- 3 Pülikahuméi ñûnsu le haun hagübürigu múnada.
- 4 Haluaha ífei le gayaragíli lauseruniwa, lun hadügün wadagumanu wendetí hama arufudahatiñún.

## UREMU

---

Irahüñü habu nibureitiña, ondarawamá lü wounigiruni aüdü le lidéwese Baba waun (2w)

Anhei wáchuga wewe, lamabéidubatie duna,  
anhei wawiyeda aüdü wuribabeitie larihín (2w)

Taunigirawamei aahhh numadagünu aüdü le ichúguti  
ibágari waun, tounigirawaméi aahhh numadagünu mua le  
lidewese Baba waun.

GAYARATI BABÜRÜHA SOMU KATEI LÜBÜGÜN  
AYÜRAHANI ALÜGÜDABOUN BÜGUCHUN, KATEI  
LAN AÑÜRAHANIBEI, KA LAN UWAGU  
LAÑÜRAHAUN MUA, AÜDÜ, BARANA, DUNA.

*Hanurahañein wagüburigu aüdü*





Hayanuha lübügün sun katei le:

---

---

---

---

---

---

---

---



ITU: SUYAPA KACHU. LIRAÜ LISIÑE KÜRISTU



**SECRETARÍA DE LAS CULTURAS,  
LAS ARTES Y LOS PATRIMONIOS**  
GOBIERNO DE LA REPÚBLICA

**DIRECCIÓN GENERAL  
DE LAS CULTURAS Y  
LOS PATRIMONIOS**

**UNIDAD DE EDUCACIÓN  
PLURILINGÜE Y MULTICULTURAL**

**EDUCACIÓN**  
GOBIERNO DE LA REPÚBLICA